

დღეისთვის

გაზეთი გაზეთის
1988 წლის
10 მაისიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო
«ЛЕЧУМИ» — Орган Цагерского райкома Компартии Грузии
и Цагерского народных депутатов

№95 (6321) ხუთშაბათი 9 აპრილი 1990 წელი ფაშა

სახალხო

დეპუტატთა

რაიონული

საბჭოს

ალმასკოვში

7 აპრილს სახალხო დეპუტატთა რაიონული საბჭოს აღმასკომში გაიმართა თათბირი, რომელსაც ესწრებოდნენ სახალხო საბჭოების აღმასკომების თავმჯდომარეები, წარმომადგენლები და რაიონში არსებული კოლმეურნეობების ხელმძღვანელები, სხვა აქტივები. თათბირზე რაიონის აღმასკომის თავმჯდომარე დ. ი. სვანიძემ ილაპარაკა რესპუბლიკაში შექმნილ ვითარებასთან დაკავშირებით საწარმოების, დაწესებულებებისა და ორგანიზაციების, ადგილობრივი საბჭოთა ორგანოების გაძლიერებულ სამუშაო რეჟიმზე გადასვლის შესახებ. აღინიშნა, რომ რესპუბლიკაში შექმნილმა უაღრესად დაძაბულმა საზოგადოებრივ-პოლიტიკურმა ვითარებამ ჩვენს რაიონშიც გამოიწვია სახალხო მეურნეობის დარღვევის ფაქტებიანობის დაქვეითება, უპასუხისმგებლობისა და განუყოფლობის პირობების შექმნა, შრომისა და სახელმწიფო დისციპლინის მოშლა. მრევლთა და სოფლის მეურნეობაში არ შესრულდა 7 თვის გეგმები, განსაკუთრებით ცუდი მდგომარეობაა ამ მიმართებით ადგილობრივი მრეწველობის კომბინატში, ავტოსატრანსპორტო საწარმოში, სასურსათო კომბინ-

ატში, №28 საგზაო სამმართველოში, მოსახლეობის საყოფაცხოვრებო მომსახურების სამმართველო გეგმებს ასრულებს კოლმეურნეობების ხარჯზე, ხოლო საკუთარ მომსახურებაში გეგმები ვერ შეასრულა, რაიონში შექმნილმა კოლმეურნეობებმა ივლისის თვეში ბანკში შეიტანეს მხოლოდ 2 ათასი მანეთი, არ სრულდება რაიონში ქართის დამზადების გეგმა. თათბირზე ინფორმაციებით, წინადადებებითა და შენიშვნებით გამოვიდნენ რაიონის აღმასკომის თავმჯდომარის მოადგილე, საგვგამო კომისიის თავმჯდომარე კ. ხეცურიაძე, რაიონის მრეწველობის განყოფილების თავმჯდომარე ზ. ბენიძე, ავტოსატრანსპორტო საწარმოს უფროსი ზ. მუშუკიანი, დამზადების რაიონული გაერთიანების დირექტორი ნ. სალინაძე, სასურსათო კომბინატის დირექტორი უ. კუხალაშვილი, დავლეთის სახელმწიფო ინსპექციის უფროსი ჯ. ჩიკაძე, ქვედა ცაგერის სასოფლო საბჭოს აღმასკომის თავმჯდომარე გ. ხვადაგიანი, ორბელის სასოფლო საბჭოს აღმასკომის თავმჯდომარე ვ. ჭაბუკიანი, სახელმწიფო სატყეო მეურნეობის დირექტორი ვ. დარაშვილიძე, საფინანსო განყოფილების გამგე რ. კოპალიანი,

რაიონისა და რაისაგადმყოფის მთავარი ექიმი მ. თოთაძე, რაისაბჭოს აღმასკომის თავმჯდომარის მოადგილე, ქალაქის განვითარებისა და საბინაო კომუნალური მეურნეობის განყოფილების გამგე ა. კვირკაშვილი, ადგილობრივი რესურსების დამზადების, გადასახადებისა და რეალიზაციის კოორდინატორი „ცაგერის“ თავმჯდომარე ს. ყურაშვილი. ითქვა, რომ მიუხედავად განხორციელებული ღონისძიებისა საწვავის მომარაგების საქმეში მდგომარეობა უცვლელია, რაც ძალზე აფერხებს ტრანსპორტის მოქმედებას, წარმოშობს მოსახლეობის სამართლიან უკმაყოფილებას და სერიოზულ შეშფოთებას. საზოგადოებრივ-პოლიტიკური ცხოვრების სტაბილიზაციის, ეკონომიკური სიძნელეების დაძლევის, მართლწესრიგისა და კანონიერების დაცვის უზრუნველსაყოფად მიზანშეწონილად იქნა მიჩნეული საწარმოების, დაწესებულებებისა და ორგანიზაციების, ადგილობრივი საბჭოთა ორგანოების აპარატების გაძლიერებულ სამუშაო რეჟიმზე გადასვლა, მთელი მათი საქმიანობის ფორმებისა და მეთოდების ძირითადი შეცვლა არსებული პირობების

შესაბამისად. საჭიროა წარმოება-დაწესებულებათა ხელმძღვანელებმა უფრო ეფექტიანად გამოიყენონ ტრანსპორტი, ქმედითი დახმარება გაუწიონ დამზადების გაერთიანების მიღება-გადაზიდვაში, სადღესო ამოცანა მრეწველობის დარღვევის ფაქტებიანობის გაზრდა, სამშენებლო კომპლექსის მუშაობის სრულყოფა, სახალხო მეურნეობის ფინანსური ვითარების რეგულირება, მოსახლეობის სურსათით უზრუნველყოფის მომარაგება. აღინიშნა, რომ 1991 წლისათვის არ იქნება ცენტრალური უზრუნველყოფა საწვავისა თუ სხვა მასალების მიწოდებაში, ამიტომ საჭიროა თითოეულმა ორგანიზაციამ იზრუნოს ხელშეკრულებების გაფორმებაზე მოკავშირე რესპუბლიკების საწარმოებსა და ორგანიზაციებთან. ამასთანავე თათბირზე განხილულ იქნა სსრ კავშირის პრეზიდენტის 1990 წლის 25 ივლისის ბრძანებულება „სსრ კავშირის კანონმდებლობით გათვალისწინებულ შეიარაღებულ ფორმირებათა შექმნის აკრძალვის, იარაღის უკანონო შენახვის შემთხვევაში მისი ჩამორთმევის შესახებ“. ითქვა, რომ რესპუბლიკის მოსახლეობაში დაგროვი-

ლი დიდძალი იარაღი, ტყვია-წამალი და ასაფეთქებელი ნივთიერებანი ქმნის მძიმე დანაშაულობათა ჩადენის შესაძლებლობებს, მით უფრო, რომ ხშირად ეს იარაღი დამანაშავე ელემენტების ხელშია, ახლა საჭიროა ერთობლივი ძალისხმევა, რათა ამოღებულ იქნას იგი. თითოეულმა ადამიანმა იცოდეს, რომ იგი სამიედოდაა დაცული. თათბირზე ითქვა იმის შესახებაც, რომ რამდენიმე დღეა, რაც გამოქვეყნდა საქართველოს უზენაესი საბჭოს დეპუტატთა არჩევნების შესახებ კანონპროექტის სამი ვარიანტი, რომლებსაც უკვე ეცნობა საზოგადოება. კანონპროექტთა ცალკეულ მუხლებზე უნდა გაიმართოს ფართო სკანდალი, კამათი, საჭიროა შრომით კოლექტივებში შეფასდეს ეს დოკუმენტები, ყველამ გამოთქვას თავისი აზრი, შენიშვნა, წინადადება. თათბირის მუშაობას გასდევდა საერთო აზრი იმის შესახებ, რომ დღეს, როგორც არასდროს საჭიროა გონივრული მოქმედება, ერთმანეთის თანადგომა იმ მიზნის მიღწევაში, რასაც დამოუკიდებელი, თავისუფალი, ეკონომიკურად ძლიერი საქართველო ჰქვია.

გლეხურ მეურნეობაზე გადამდინ

გაიმართა ლაილაშის კოლმეურნეობის კოლმეურნეთა საერთო კრება დღის წესრიგით: ცაგერის სახალხო დეპუტატთა მე-20 მოწვევის რაიონული საბჭოს მეოთხე სესიის გადაწყვეტილების „რაიონში გლეხური მეურნეობების შემდგომი განვითარების ღონისძიებათა შესახებ“ შესრულების მიმდინარეობის შესახებ. კრების მონაწილეებს კოლმეურნეობაში გლეხური მეურნეობის უპირატესი განვითარების შესახებ ესაუბრა რაიონის საზოგადოებრივი მეურნეობების გლეხურ მერუნეობაზე გადასვლის უზრუნველყოფის რაიონული კომისიის თავმჯდომარე, რაიონული

საბჭოს აღმასკომის თავმჯდომარე დ. ი. სვანიძე. ცაგერის რაიონში გლეხური მეურნეობების განვითარების შესახებ დროებითი დებულება გააცნო რაიონული საბჭოს აღმასკომის თავმჯდომარის მოადგილე, საგვგამო კომისიის თავმჯდომარე კ. ხეცურიაძე. ლია კენჭისყრით კრების მონაწილეებმა მიიღეს გადაწყვეტილება, რომ კოლმეურნეობის ნაცვლად ლაილაშის კოლმეურნეობაში შემავალ სოფლებში შეიქმნას გლეხური მეურნეობები. კრებამ აირჩია კოლმეურნეობაში გლეხურ მეურნეობაზე გადასვლის უზრუნველყოფის კომისია ყველა სოფლის წარმომადგენელთა მონაწილეობით.

ჩვენი დღეების აღამიანები

იზი ადრეულ ასაკში შეება ცხოვრების უღელში, კვალში გამოვლია, ასეთ ახალგაზრდებზე იტყვიან. მიწისა და შრომის სიყვარული ჯიშად მოსდგამს, უყვარს მამა-პაპის ფუძე და მისი დოვლათით ხარობს. ლასურიაშის კოლმეურნეობის კოლმეურნის, ელგუჯა ახვლედიანის შრომითი ბიოგრაფია ერთი ჩვეულებრივი, სინდისისა და პატიოსნების, საქმის ერთგული ახალგაზრდის გზაა, და მაინც ბევრისგან გამორჩეული, ყოველგვარი ხმაურის გარეშე რომ აკეთებს თავის საქმეს, ქვეყნის მარჩენალი მიწის პატრონობა უპირველეს მოვალეობად რომ გაუხდია. იჯარულ შრომაზე დაიწყო თუ არა ლაპარაკი, ერთ-ერთმა პირველმა გააფორმა ხელშეკრულება, მოსავლეთად 0,5 ჰექტარი ყანა და 1 ჰექტარი

ზვარი გაიპოვნა. ორივეს ახალგაზრდული მარჯვენა შეაშველა და ურიგო მოსავალი როდი მიიღო. საკუთარი ბედელიც აავსო და საზოგადოებრივ დოვლათს ხელშეკრულებით გათვალისწინებული სიმიანდისა და ლობიოს მოსავლის პირადი წვლილიც შემატა. მიმდინარე სამეურნეო წელი მეტი შემართებით დაიწყო. ახლა უნდა ნახოთ მისი ყანა და ზვარი, ახალგაზრდა კაცის მარჯვენის ძალა რომ ზედ ატყვია. მზის სხივებზე ლურჯად ლივლივებს ოთხჯერ ბორდოს სითხით შეწამლული ვენახი, ორჯერ გათხნილი განოყიერებული

ლი თავაყრილი ყანა.—მიწა თვითონ გასწავლის, როდის უნდა შეველაო.—ხშირად იტყვის ახალგაზრდა მეურნე. ამასთან ერთად ღჯანმა აბრეშუმის მური გამოკვება და პირადი გეგმა სამაგად შეასრულა. მცირეწლოვანი შვილების დედას თუთის გადმოჭრაში და დამზადებაშიც ეშველებოდა. ახლა საკარმიდამო მეურნეობას ხომ მოვლა უნდა. ძლიერი კარმიდამო, მარტო პირადი როდია, იგი ქვეყნის ძლიერების წყაროცაა. ივლისი და აგვისტო საკვების დამზადების ცხარე პერიოდია. ელგუჯა საუკეთესო მთიანეთისაა. შარშან 12 ტონა თივა დაამზადა. ახლა მისი გადაწყვეტილება 15 ტონის დამზადებაა. ორი შვილის მამა სახვადილო ფიქრში ათენ-აღამებს, ჩვენც სოფლის ასეთ ახალგაზრდებს გვინდა დავულოცოთ მარჯვენა. ბ. ბაპრაძე.

9 აპრილის 75 წელი სრულდება დიდი ქართველი პოეტის ვ. ფ. შავჭავჭავაძის გარდაცვალებიდან ნაადრევად გამოაქვდა იგი ქართული მხატვრული ლიტერატურის მომავლეთა რიგებს. 75

ტივილიანი წელი გვაშორებს იმ საუკრებო პოეტს, რომლის ამა-ყი სული და წრფელი გული საქართველოს სიყვარულში ჩაიფრებოდა.

ჩხის შუქზე იქმნებოდა მისი უკვდავი და განუმეორებელი ქმნილებები: „დამსეტყვე ცაო“, „ია“, „ქუჩი“, „ალუდა ქეთელაური“, „ბახტრიონი“ და სხვა. მის პოეზიაში ყველაფერი ცოცხლობდა, იბრძოდა, იცნებოდა, ის რაც

მაგრამ რამდენი რამის გაქვითება ვერ შეძლო ვაჟამ ამ გზაზე თავისი ღუბნური ცხოვრების გამო, იმ მინიმალური პირობების არ არსებობის გამო, რაც ხელოვან კაცს პერიოდით ეჭირვება. „ღმერთო სამშობლო მიცოცხლეო“,

მოზღვაებული პქონდა განგებას სასიკვდილოდ მიაჩნდა სარცელს, ბედის ირონია იყო აბა რა, ღუბნური ცხოვრებას ახეთი დასასრული, თითქმის ნასწარმეაგზო, რომ სამუდამოდ უნდა გამოსთხოვებოდა წუთისოფელს, ბუნებას, რომლითაც ცოცხლობდა, სუნთქავდა, რომლის მეგობარი და უტყუარ მესაიდუმლო იყო, საავადმყოფოში მომვლელ ქალს ბალახები და ფოთლები მოატანინა, ოთახში იატაკზე და ფანჯრის რაფაზე მოაფენინა, ნაზად გადაუსვა აკანალებული ხელი, ხარბად შეისუნთქა ამ პატარა სამყაროს მოყოლილი ბუნების ნაწი სურნელი, შემდეგ თავის ზვიად და გულმაგარ მთებს თვალი გაუსწორა და ჩამავალი მზის სხივების ცქერაში დალია სული. გარდაიცვალა 54 წლისა, ჯერ კიდევ შემოქმედებითი აღმავლობის დროს. მისი ამაყი მთები კი დგანან და ელიან მთის არწივს დაბრუნებას, „დგანან და ელიან... უსაზღვრო მთების მოლოდინი“.

1861 წლის 26 ივლისს, საქართველოს უღამაზეს და უმშვენიერეს კუთხეში—ფშავეში, მღვდლის პავლე რაზიკაშვილის ოჯახში დაიბადა ვაჟი—ლუკა რაზიკაშვილი, საქართველოს მომავალი დიდი პოეტი, ილიას და აკაკის გზის ღირსეული გამგრძელებელი. დაბადებიდან ქუდბედად დაჰყვა საოცარი ნიჭი ბუნების შეცნობის და სიყვარულისა. გაჭირვებით ცხოვრობდა, საკმაო განათლების მიღება ვერ შეძლო. 22 წლის ჰაბუკი პეტერბურგიდან ზაქარია ჭიჭინაძეს სწერდა: „უნივერსიტეტში ლექციების სმენის ნება მომცეს, ვზივარ და ვზეპირობ ლექციებს, თუ სურსათი არ შემომეღია, მეტი გამარჯვება ჯერჯერობით არ მინდა“. მაგრამ ვაჟს სწორედ „სურსათი შემოეღია“ და იმუღებელი გახდა სოფელში დაბრუნებულიყო. არც აქ ჰქონია დაღუბნული ცხოვრება: მასწავლებლობდა სოფლის სკოლებში, შემდეგ საკუთარ სოფელში დაბრუნდა, თვითონ ხნავდა, თესავდა, მკიდა, ლეწავდა, წისკვილში ფქვავდა—ვაჟა-ფშაველა. სოფლიდან თბილისში ლექსების

გაგრაძე-რაზიკაშვილი 75

ჩასატანი ფული უჭირდა, რიგ-ანი ჩოხაც არ ჰქონდა. როცა ილია ჭავჭავაძის თაოსნობით პოეტს იუბილედ გადაუხადეს, ქართველმა მოწინავე საზოგადოებამ თავისი შეგროვილი ფულით შეუკერა ჩოხა. მიუხედავად სასტიკი გაჭირვებისა, მთის ამაყი შვილი მაინც არავის არაფერს სთხოვდა „მე არსადან არაფერს ვიღებ და ჩემის მარჯვენის, მიწის და ოფლის ანაბარად ვარ დარჩენილი“.

უბედურება დაატყდა ჰარმავაჟს: დაუბოლდა ოთხი პატარა შვილი და ისინი ყოველმხრივ მისი მოსავლელი აღმოჩნდნენ. მაგრამ მთის ამაყი შვილის უღრავი სული არავითარ გაჭირვებას არ შეეძლო გაეტეხა. იგი ქოხში ცხოვრობდა, სანახევროდ ბნელ ქოხში, ხანდახან ნავთის შეძენის თავიც არ ჰქონდა და ხშირად ბუხარში შეყრილი ფი-

ნდისთავის გამო

ჩვეულებრივ კაცს მიაჩნდა ყოველგვარ გრძნობას მოკლებულად, ეს მზე-კაცი მასში სიცოცხლეს ხედავდა, მისი მაჭისცემა ესმოდა. ბუნების ფიქრი, მისი აზრი, მისი სევდა, ღმინი, მხიარულება და ტირილი ვაჟამ უცნაურად შეათვისებინა თავის მკითხველს. მისი ხმელი წიფელი, მბრალე ია, უბრალო ქუჩი, შვლის ნუკრი, ამაყად მდგარი მთები, ალუდა ქეთელაური, ლელა და ლუხუმი განუმეორებელ სურათებს ქმნიან ზღაპრული ბუნების და ამაყი ქართული სულისას, ვაჟა მთელი სულით და გულით, ფიქრით, ოცნებით და სინამდვილით ემსახურებოდა ქართული მხატვრული ლიტერატურის გაღრმავება-განვითარებას, ამიტომაც განაცხადა ილიამ: „ახლა ჩვენ, ძველებმა, კალამი გვერდზე უნდა გადავდოთ და გზა ვაჟს დავუთმოთ“.

მაინც ამის ნატვრაში იყო, სწუროდა ლალი, თავისუფალი, განახლებული ცხოვრება, ძველის სიდიადით გაბრწყინებული, ახლის სულითა და აზრით გაციისკროვნებული, იმედის თვლით შეპყრებდა მომავალს. გრძნობდა, რომ სჭირდებოდა ერს, ქვეყანას, და ეს ასულდგმულებდა, კვებავდა მთის არწივს: „მადლობელი ვარ დამბადებელ, ჩემიდან შექმენ ისეთი გუნდა როგორიც ამ დღეს საქირო არი, სამშობლოს წყლულებს როგორიც უნდა“.

ჯერ კიდევ იმ ასაკში, როცა მრავალი საგულისხმო და მნიშვნელოვანის შექმნა შეეძლო, ძალა და მხატვრული ენერგია

მადონა მახაროვლიკა, თბილისის ივ. ჯავახიშვილის სახელობის სახელმწიფო უნივერსიტეტის ჟურნალისტიკის ფაკულტეტის დაუსრულებელი განყოფილების მეორე კურსის სტუდენტი.

საქართველოს კომპარტიის 28-ე

ყრილობის მეორე ეტაპის შინ

აღამიანებს სათქმელი დაუგროვდათ. მადლობა ღმერთს, დადგა დრო, რომ სიტყვას აქვს ასე თუ ისე თავისუფლება, თითოეულ ნორმალურად მოაზროვნე ადამიანს ადლებებს დღევანდელი და ხვალისდელი საქართველოს ბედი. ამიტომ რედაქციაში მოდის სხვადასხვა მოსაზრება სოციალურ-ეკონომიკური, საზოგადოებრივ-პოლიტიკური და ზნეობრივი ცხოვრების საქირობოროტო საკითხებზე. რა იმედებს ვამყარებთ საქართველოს კომპარტიის 28-ე ყრილობის მეორე ეტაპზე, კერძოდ, რესპუბლიკის სახელმწიფოებრიობის აღდგენისა და მისი კომპარტიის დამოუკიდებლობის თაობაზე.

ამიტომ რედაქცია არ ზღუდავს ვინმეს მოსაზრებას, პირიქით, ებეჭდვა რადიკალურად განსხვავებულ პოზიციებს, რადგან სწორედ ამ კამათსა და გულახდილ სჯა-ბაასში დავინახავთ წინსვლის გზას, საქართველოს უკეთეს ხვალისდებობას.

საქართველოს კომპარტიის 28-ე ყრილობის მეორე ეტაპზე დიდ იმედებს ვამყარებთ, ვფიქრობთ მივალწევთ რესპუბლიკის კომპარტიის დამოუკიდებლობას, რაც მრავალ პრობლემურ საკითხს გადაწყვეტს.

მაგრამ ჯერ მინდა შევეხო სკკპ 28-ე ყრილობას. ყრილობაზე დიდი შეხლა-შემოსლა იყო, მაგრამ საბოლოოდ გაიმარჯვა საღმა აზრმა, დემოკრატია, ამას მსოფლიო პრესა აღიარებს, და იმასაც უმატებს, რომ კომპარტიის ერთმართელობა დამთავრდა ამ ყრილობაზე, მომდევნო ყრილობაზე იგი იქნება მხოლოდ ერთიერთი მრავალ პარტიათა შორის, ყოველგვარი პრივილეგიის გარეშე.

დასამალი არ არის, რომ დღეს ჩვენი რესპუბლიკა ფოკუსშია, ასეთი დამაბული პოლიტიკური და ეკონომიკური ვითარება არ არის არსად. ადამიანები შეშფოთებულია, ბევრი ითქვამს, რომ 70 წლიანმა სოციალიზმის პრაქტიკამ, შეცდომებმა თუ შეკრთამებმა, სანამდე მიგვიყვანა, გავიგეთ და დავგმეთ წარსული, მაგრამ ხომ უნდა გავიხედოთ

გონიერებით,

ოფლით და პარტიით

მომავალში, არა მგონია გაუთავებელი დავითა და წარსულის ჩხრეკით მივალწიოთ რამეს. ბოლოსდაბოლოს მიმოვიხედოთ ირგვლივ, ამდენი დანაშაული, სისხლისღვრა, ურთიერთგაუტანლობა, უკანონო ნორმად იქცა. ადამიანებს სიმშვიდე ენატრებათ, საოპონი, შაქარი, ნავთი, ძეხვი, სიგარეტი, არ ეშოვებათ, ეინც ხელი მთითბო და აქვს საშუალება, ღმერთმა იცის რა გზით (აბა, მაქსიმალური ხელუხის მქონე ადამიანი არა გვგონია მინიმალურ მოთხოვნილებებს იკმაყოფილებდეს) კოოპერატივები სოკოვებით მოამრავლა. კოოპერატივი მესმის, რომელიც რაღაცს აწარმოებს, შექმნის და გაყიდის, მაგრამ სახელმწიფოსაგან რომ თავის ფასში იძენს ნელნელა და მერე მის დამხადებულ პროდუქტის მამა-

ავილოთ სამედიცინო ინსტიტუტში დატრიალებული მოვლენები. ჩვენი შვილები რატომ მოითხოვენ იოლი გზით დაუმსახურებლად სამედიცინო ინსტიტუტში მოხვედრას? დანაშაული ისაა, რომ ასე განუკითხავად ჩაირიცხა მსურველთა მთელი კონტიგენტი მოსამზადებელ განყოფილებაზე. ახლა დანაშაულს დანაშაული დავუმატოთ და ყველა ჩავრიცხოთ ინსტიტუტში უგამოდოდ?—გაუგონარი მოთხოვნაა.

პრობლემები ისედაც ბევრი გვაქვს და იმას მივხედოთ. უკანონო ქმედებით კი არა, ოფლით, შრომით, სწავლით უნდა მოვიპოვოთ უკეთესი მომავალი.

6. ბერაძე,

საფინანსო განყოფილების პარტიული ორგანიზაციის მდივანი.

ბავშვების, გარეშე

წიფარჩის რეგიონის დედები პატარებს ქვედა ცაგერის ბაგაბაღში ატარებდნენ. ეს ვისაც ასე თუ ისე, ჰქონდა ამის საშუალება. დანარჩენები-სათვის ოცნება იყო სოფელში ბაგაბაღი. როგორც იქნა გადაწყდა აქაურ მშრომელთა მრავალი წლის მანძილზე დასმული პრობლემა, წიფარჩის კოლმეურნეობის კლუბკანტორის საქირო ფართი საბავშვო ბაღს დაეთმო. ეს იყო 2 თვის წინ. დამტკიცდა შტატები, დაიწერა ბრძანებები, გაიხსნა ბაღი. წიფარჩის კოლმეურნეობაში სხვა საქმეზე მისულებს დაგვებადა აზრი შეგვევლო ახალ ბაღში. თვალი გადაგვევლო პატარებისათვის, ხომ არაფერი აკლიათ ან აწუხებთ ახალმოსახლებებს.

არც მეტი, არც ნაკლები, კურორტულ ფაქტს წავაწყდით. დღის 3-4 საათისათვის ბაღში სრული სიჩუმე იყო. არც ერთი აღსაზრდელი არ დაგვიხვდა. პედაგოგიური და ტექნიკური პერსონალი კი მასპინძლური გულით შეგვხვდა, მაგრამ...

რა მოხდა? ბაღის გამგე ნუნუ მუშკუდიანთან და სხვებთან საუბარში გამოიკვეთა, რომ ბაღი ფაქტიურად არ მუშაობს იმ გაგებით, რომ პატარებს ვერ იღებენ, თუ მიიღებენ, სადილობისას უკან, სახლში გზავნიან. ბაღში, რაც მთავარზე მთავარია, არ არის ელექტროშუქი. გაყვანილობა დაუმონტაჟებიათ, მაგრამ რაღაც დეფექტის გამო გამორთულია, ბაღს არა აქვს

მაცივარი. დანარჩენი ინვენტარი—თეთრეული, სკამები, ჭურჭელი თუ სხვა, დიდის წვალებით შეუძენიათ. მუსიკის დარბაზში არ არის ინსტრუმენტი. არ აქვთ ტელევიზორი. ამათ, ასე თუ ისე, მოვევლება, მაგრამ ბაღმა შეიძლება იმუშაოს მაცივრისა და ელექტროენერგიის გარეშე? კი მართალია, თხევადი გაზი არაა რეკომენდებული საბავშვო დაწესებულებაში. მაგრამ როცა ელექტროენერგია მოუწესრიგებელია, კიდევ რომ იყოს, ჩვენს პირობებში, ისიც ზამთრის პერიოდში, სანახევროდ არ არის შეუქი, აუცილებელია გასქურის შეძენა.

ბაღის გამგეს და კოლმეურნეებს ვუსაყვედურებთ და ისევ ვსაყვედურობთ, მეტი ფხა და პრინციპულობა მართებთ, ბოლოსდაბოლოს ხელფასს იღებენ თვეების მანძილზე და რაში, ვის ემსახურებიან? მართო წუწუნე საქმეს არ შევლის. პრიველი რიგში თავად უნდა შეაწუხონ ყველა და მეორე, ნუ აღვუდგებით ხელოვნურ ბარიერებად ახალგაზრდა კოლმეურნეებს. განათლების განყოფილება, რაიკოოპერატივი, სასოფლო საბჭო, კოლმეურნეობა—რომელი ერთი ჩამოვთვალო, ყველა უნდა ამოვუდგეთ გვერდში კოლმეურნეს. ბოლოსდაბოლოს საქმე ბავშვებს ეხება. არც მეტი, არც ნაკლები—კურორტია, ბაღი მუშაობს... ბავშვების გარეშე.

8. ძნეაძე,

ბევრი რამ გვკივა, ქალაქო!

წერილი გულმგებლობით

მწერებსა...

საბარძო სატვირთო ვერ, თუმცა სასიხარულო მაინცდამაინც არაფერია ამ აფორიაქებულ წუთისოფელში.

ჩემი სამშობლო ჩემი კუთხიდან იწყება, უთქვამს პოეტს და საქართველოს პატარა კუთხის ლეჩხუმის რაიონული ცენტრის მოსახლეობის არცთუ უსაფუძვლო გულისტკივილზე გვინდა მოგვითხროთ.

ვითმინეთ, მაგრამ ბოლოს და ბოლოს იძულებული გავხდით თქვენთვის (რედაქციისათვის) მოგვემართა.

რას ითმენს ნეტავ ეს ხალხი? ითმენს და მიეჩნია კიდევ ცაგერის მოსახლეობა იმას, რომ დღისით, მზისით, ყველას თვალწინ პირუტყვი ქალაქის ქუჩებში დახეირნობდეს (ავტომანქანებმა გზაც კი უნდა დაუთმონ), ღორებმა თავდაუზოგავად „იმუშაონ“ ბაღებსა და სკვერებში, მოსპონ და გაანადგურონ ყველაფერი ის, რისთვისაც ამდენი გვიწავლია, გვიშრომია, გვიკეთებია, რათა სტუმრის და მასპინძლის გული ერთნაირად გავგებარებოდა, სილამაზე და სიკობტავე არ მოკლებოდა ჩვენს პატარა ქალაქს.

მაგრამ რა?

მიუხედავად კომუნალური სამსახურის მუშაების მრავალგზის გაფრთხილებისა, მრავალი ჯარიმისა და საუვედურისა, კვლავ გამოითქმის პრესის ფურცლებზე შეწუხებული მოსახლეობის ჩივილი: კარი ღია ვერ დაგვიტოვე-

ბია, დღისით ქუჩაში გამვლელი ყოველი ფეხის ნაბიჯზე ღორი და ძროხა გვხვდება უმოწყალოდ, რომ ანადგურებენ ნარგავებს და აბინძურებენ ქალაქს.

საუვედური ბევრია.

გამოსავალი კი—ერთი (რომელიც თვითონ ხალხმა იპოვა).

„რაკი კომუნალური მეურნეობა ისევ ერიდება საქონლის პატრონებს, ჩვენ ჩავაბარებთ დამამალებელ ორგანიზაციებს“.

ეს სიტყვები უბრალო ქალი არ არის. ეს შეწუხებული და შეძრწუნებული ხალხის ჩივილია, რომელსაც შესრულება უცოდლობად უწერია.

რატომ ვერიდებით იმ მოქალაქეთა გვარების დასახელებას, ვისი პირუტყვიც ასე აბინძურებს და აჩანაგებს ქალაქის ქუჩებსა და ბაღებს? ალბათ ამას კეთილი განზრახვით ვაკეთებთ, მაგრამ მათი დამაზღვრების ორგანიზაციებზე ჩაბარება კეთილ განზრახვას თუ არ ჩაგვეთვლება, იმის დადასტურება მაინც იქნება, რომ ჯერ კიდევ ვიღაცა ფიქრობს იმაზე, რომ ჩვენი ქალაქი ღამაზად და სუფთად გამოიყურებოდეს.

მოგიწოდებთ, ვისთვისაც ძვირფასია ეს პატარა კუთხე, სადაც დავიბადეთ, გავიზარდეთ და თავის დროზე სიკვდილსაც აქ ვაპირებთ, ამოგვიდექით მხარში და მოეუაროთ ჩვენს პატარა ქალაქს, სიბინძურის ქარცეცხლში გახვეულს.

ნ. ასლანიკაშვილი.

ესენი გვარცხვენენ

ბევრი, როგორც ჩანს, შეეჩვივა გაზეთის კრიტიკასაც, საბინაო-კომუნალური მეურნეობის მრავალდარგოვანი გაერთიანების დირექციის მიერ განხორციელებულ სხვადასხვა ზომას რომ თავი გავენებოთ.

ამჯერად რედაქცია თავისთავზე იღებს პასუხისმგებლობას. ერთხელ კიდევ გავაცნობთ იმ ადამიანებს, ვისაც ჩირის ფასადაც არ უღირთ ქალაქის კულტურა და წესრიგი, სანიტარული იერსახე, შემდეგ კი მათი პირუტყვის საფასურსაც რომ ვერ მიიღებენ... ვნახოთ, რა ხასიათზე დადგებიან.

ქალაქში მცხოვრები პენსიონერის დავით პარიმონის ძე ყურაშვილის (რომლის მეუღლეც, ყურაშვილი ცაგერის №1 ბაღის გამგეა) ძროხა სისტემატურად გაშვებულია ქალაქში, გაზონებსა და სკვერებში თელავს და ანადგურებს ყვავილნარს, აბინძურებს ქუჩებს, სკვერებს, ბაღს. მიუხედავად რამდენჯერმე გაფრთხილებისა,

ძროხა ქალაქის ქუჩებში ყავს გაშვებული ქალაქში მცხოვრებ იზო სიმონის ასულ კალანდაძეს.

ქალაქ ცაგერში მცხოვრები მოსახლეობის საყოფაცხოვრებო მომსახურების სამმართველოს ხელისნის ოთარ ალექსანდრეს ძე კვირკაშვილის, ავტოსატრანსპორტო საწარმოს მძღოლის კუყური თედორეს ძე მდივნის, გურამ არჩილის ძე კოპალიანის, სახვეების გაერთიანების მუშაკის ბიკო ევგენის ძე ქარსელაძის ღორები სისტემატურად ქალაქის ბაღში, სკვერებსა და გაზონებში ძოვენ ბალახს, თხრიან, აბინძურებენ ქუჩებს, ზოგჯერ საერთო საცხოვრებლების ღერეფებში, წარმოება-დაწესებულებების შენობასა და ეზოშიც კი „დასეირნობენ“.

გასაკვირია, მაგრამ ფაქტია, რომ სოფელ ჩხუტელში მცხოვრები რაფიელ პეტრეს ძე კვირკაშვილის და დადაში ამბროსის ძე მეშველიანის უპატრონოდ

გაშვებულ ძროხებს ხშირად შეხვდებით ქალაქის ბაღში, კულტურის სახლის ეზოში.

ეს მოქალაქეები რამდენჯერმე არიან გაფრთხილებული საბინაო-კომუნალური მეურნეობის მრავალდარგობრივი გაერთიანების მუშაკებისაგან, მაგრამ შეაყარე კედელს ცერცვი. იქნებ გაზეთში გაიკეთებ მაინც იმოქმედოს მათზე. ამის შემდეგ კი გამოყენებული იქნება უკანასკნელი ზომა—პირუტყვის სახელმწიფოსათვის ჩაბარება.

ცაგერის მრავალდარგოვანი საბინაო-კომუნალური მეურნეობის გაერთიანების დირექცია ყოველ ორშაბათს მოაწვდის რედაქციას იმ მოქალაქეთა გვარსა და სახელს, რომლებიც არ გაუფრთხილებიან პირუტყვს, რედაქცია კი არავის მოერიდება საშუაროზე გამოვიყვანო ყველა იმ პირს, ვინც არ იბრუნებს ქალაქის სანიტარულ სანიტარული წესრიგისათვის.

ასტროლოგიის მიმართ ჩვენი დამოკიდებულების მიუხედავად, მკითხველთა ინტერესი მისდამი განსაკუთრებით გაიზარდა. ბევრმა ურნალმა და გაზეთმა გაითვალისწინა ეს და თავის ფურცლებზე ბეჭდავენ პოროსკოპებს. ჩვენს მიერ შემოთავაზებული მასალა ეხება არა კონკრეტულ ადამიანს, არამედ მთელი კაცობრიობის ბედ-იბდამს. ვბეჭდავთ პ. პასნიკინის („არგუმენტი ა ფაქტის“ კორესპონდენტის) საუბარს საფრანგეთის ასტროლოგთა პროფკავშირის თავმჯდომარე ნაფირთან.

ლუიის მიმდინარეობაზე.
—მაინც რა მოხდება კონკრეტულად თქვენი აზრით 1993-1994 წლებში?
—ჩვენ აღმოგჩნდება მერწყულის თანავარსკვლავედის გავლენის ქვეშ, რომელიც ერთდროულად ქაოსისა და სინათლის სიმბოლოა. და კაცობრიობა

ასტროლოგი უნინასნაკმეფველებს...
გარდაქმნას

—ასტროლოგები ამტკიცებენ, რომ რაც ციხევეთში ხდება, შეიძლება წინასწარ გამოცნო ვარსკვლავების მიხედვით. ისეთი მოვლენაც კი როგორც გარდაქმნა?

—რა თქმა უნდა, ამას მოწმობს ის, რომ 1993-1994 წწ. ერთმანეთს შეხვდება ორი დიდი პლანეტა—ნეპტუნი, კომუნიზმისა და საერთოდ იდეოლოგიის სიმბოლო, და ურანი, რომელიც რევოლუციას ან კარდინალურ ძვრებზე მიგვიითებს.

—მაგრამ გარდაქმნა ხომ სსრ კავშირში ოფიციალურად 1985 წელს გამოცხადდა.

—ქვეშარტი გარდაქმნა კი მხოლოდ 1993-1994 წლებში მოხდება, აი, ამის კიდევ ერთი დამადასტურებელი. ცნობილია, რომ საბჭოთა კავშირი 1922 წელს შეიქმნა და თუ ამ თარიღს ადამიანის ცხოვრების ციკლს—71-72 წელს მივუმატებთ, მივიღებთ იგივე, 1993-1994 წწ. ე. ი. ნამდვილად ახალი ეპოქა ჩვენი ქვეყნის ცხოვრებაში დაიწყო. სწორედ ამ დროიდან, ძველი წყობილების შეცვლას, რომელიც ეხლა თქვენთან მიმდინარეობს, ქაოსამდე მივყავართ, და 71 წლიანი ციკლი სწორედ იმ ხანას ნიშნავს, როცა ქაოსი დასრულდება. გარდა

ამისა, სწორედ ამ დროს თავს იჩენს ურანის გავლენა, როგორც საზოგადოების ევრტიკალური სტრუქტურის მფარველი და პორობონტალურის მწვერველი. და ერთპარტიული სისტემა—სწორედ პორობონტალური სტრუქტურაა.

—თქვენ გინდათ თქვათ, რომ გარდაქმნა, რომელსაც მივყავართ მრავალპარტიულობისაკენ..

—სწორედ პლანეტა ურანის გავლენაა.

—მაპატიეთ, მაგრამ თქვენი მტკიცებანი ცოტა არ იყოს უცნაურად მეჩვენება. ყოველ შემთხვევაში, უცნაურია პლანეტის ასეთი გამორჩეული მოქმედება მხოლოდ საბჭოთა კავშირის ტერიტორიაზე.

—მე არც ვამტკიცებ რომ დიდი ცვლილებები მხოლოდ სსრ კავშირში მოხდება, არა, იგი მთელ პლანეტას შეეხება.

როგორც ცნობილია, პლანეტები—ურანი, სატურნი და იუპიტერი, რომელთაც ასტროლოგები „კოლექტიურებს“ უწოდებენ, ზემოქმედებას ახდენენ პლანეტის ხალხთა კოლექტიურ არსებობაზე, ხელს უწყობენ მასობრივი შეგნების ევოლუციას, განსაკუთრებული ადგილი ეთმობა ურანს, რომელიც გადამწყვეტ გავლენას ახდენს ამ ევო-

მერწყულის თვისებებიდან ან უარყოფითი მოითვისების და ქაოსში ჩაფლვა. ან შეიძლება სრულიად ახალ თვისებას—საფოველთაო ზემოთგონებას და თავისი განვითარების აქამდე უცნობ ხანაში შევა.

სწორედ ამ წლებში გამრავლდებიან იდეოლოგიები. ბარიერი კაპიტალიზმსა და სოციალიზმს შორის საბოლოოდ წაიშლება. და ყველაფერი განახლდება სხვაგვარი სინათლის სხივებში. ამავე დროს იქნება აქამდე გაუგონარი ზრდა ნაციონალიზმისა და რელიგიურობისა. ხალხები იბრძოლებენ მსოფლიოში ძალთა გადანაწილებისათვის. მხოლოდ მეტად ზემოთგონებულ მმართველებს, რომლებიც შეიცნობენ ქაოსის საფრთხის საშიშროებას, ძალების გაერთიანებით შეეძლება გადაარჩინონ კაცობრიობა ბოროტი საწყისისაგან.

—მაგრამ თქვენი შეფასება არ ემთხვევა ჩვენი ცნობილი წინასწარმეტყველის — მამა იოანე კრესტიანინის აზრს, რომელიც, როგორც ამბობენ, ქვეყნიერების მოახლოებულ დასასრულს წინასწარმეტყველებს და ვერ ხედავს ყოველივე სულიერის გადარჩენის გზებს.

(დასასრული მე-4 გვერდზე).


ფერმერთა დასახმარებლად



ლენინგრადი. საწარმოო გაერთიანება „კიროვსკი ზავოდ“-ის ექსპერიმენტულ საამქროში იქმნება „K-20“ მარკის მინი-ტრაქტორების ახალი პარტია 27 ცხენისძალიანი ეს მანქანა ფართო გამოყენებას პოუვს ფერმერებსა და მოიჯარეებს, მებაღეებს შორის. მინი-ტრაქტორი „K-20“ გახდება ამ კლასის მანქანების საბაზო მოდელი. ის დაკომპლექტებული იქნება დასაყიდი მოწყობილობით.

გამოსაცდელი პარტიის დასამზადებლად გაერთიანებაში შექმნილია შემოქმედებითი კოლექტივი, რომელშიც შევიდნენ კონსტრუქტორები, ტექნოლოგები, ზეინკლები, მძღოლ-გამომცდლები.

სურათში: მინი ტრაქტორი „K-20“ ექსპერიმენტულ საამქროში, სკელის ფოტოკონიკა.



ასტროლოგი უწინასწარმეტყველებს... ბარლაშენას

(დასასრული).

—მართლაც არიან ადამიანები, რომლებმაც გამოიანგარიშეს, რომ 2000 წლის დამდეგი სამყაროს დასასრულის, ქვეყნების დასასრულის დასაწყისს ნიშნავს. და თუმცა მე არ გამოვრიცხავ, რომ 1993-1994 წლებში კაცობრიობას თავს დაატყდები სტიქიური უბედურებები—მიწისძვრები, დედამიწის ქერქის რღვევა (კერძოდ, ჩემი აზრით იტალია ორ ნაწილად „გაიჭრება“), მე მომავალს ოპტიმისტურად ვუყურებ, ეს არ იქნება სიცოცხლის დასასრული დედამიწაზე, ეს იქნება ერთი სამყაროს დასასრული და მეორის დასაწყისი. მე ვთვლი, რომ რუსეთის ბედი მეტად მჭიდროდაა დაკავშირებული მეჩუქულთან.

—თქვენ გინდათ თქვით რომ, გარდაქმნა მ. ს. გორბაჩოვის ასტროლოგიის ზეგავლენის გარეშე არ დაუწყია?

—მე თითქმის დარწმუნებული ვარ ამაში, მიუთმეტეს, რომ იგი თევზის ნიშნითაა დაბადებული, და ყველა, ვინც კი დაბადებულია იმ თანავარსკვლავედის ნიშნით, რომელთა სიმბოლო წყალთანაა დაკავშირებული, ასტროლოგიის მიმართ ძალიან მგრძნობიარე არიან. ნენსი რეიგანს ძალიან სჯეროდა თავისი ასტროლოგიის, და ვფიქრობ, ზეგავლენას ახდენდა მეუღლეზე ამერიკის შეერთებული შტატების პრეზიდენტობის დროს.

რას იტყვით საფრანგეთის პრეზიდენტის შესახებ? სარგებ-

ლობს თუ არა ბატონი მიტერანე ასტროლოგიის მომხმარებელი, შეიძლება თქვენთვის?

—არა, ჩემთვის არა, მაგრამ ერთი ასტროლოგი ქალის კი!

—მიუხედავად, შემთხვევით, ხომ არ გინახავართ მეთვლეხები იათ კატასტროფა ჩერნობილში?

—არა, მაგრამ მე 30 საათით აღრე ამერიკული „ჩელენჯერის“ დაღუპვამდე, ვიწინასწარმეტყველე რომელიმე კოსმოსური ხომალდის მოახლოებული კატასტროფა. ამის მოწმეები მყავს.

—მოსალოდნელია, რომ ბევრი მკითხველი თავის უარყოფით დამოკიდებულებას გამოთქვამს თქვენი პროგნოზის მიმართ, შეიძლება თაღლითიც გიწოდონ.

—კაცობრიობას ძალიან გაუფიქრა თავს და ავიწყდება, რომ იგი არც მეტი, არც ნაკლები, განუყოფელი ნაწილია ცოცხლისა, როგორც დედამიწაზე, ისე კოსმოსშიც, ე. ი. მთლიანად მოქცეულია კოსმოსური ძალების ნების ქვეშ. ნუ დაგავიწყდებათ ასევე, რომ ასტროლოგიას უკვე ექვსიათასწლიანი ისტორია აქვს და ემყარება მეცნიერულ-ასტროლოგთა უთვალავ სერიოზულ დაკვირვებებს ადამიანის არსებობის დამოკიდებულებაზე კოსმოსთან. თქვენ დღეს ხომ ვერ უარყოფთ იგივე კოსმობიოლოგიას, როგორც მეცნიერებას.

—განათ, მოვლენებამდე, რომლებსაც თქვენ გვიწინასწარმეტყველებთ, სამი წელი დარჩა. აღდგომა და ხვალეო.

„არგუმენტი ი ფაქტი“.

სასამართლო დარბაზიდან

დღეს საქართველო გასაჭირშია ეკონომიკურად, მორალურად, დემოგრაფიულად. მაგრამ ეს იმას არ ნიშნავს, რომ დავარდნილი ტრადიცია, წესი, კანონი და თვითნებურად! ძალადობის გზით შევქმნათ ოჯახი.

სწორედ ასეთ მოლოდინს გზას დაადგა წიფერჩის კოლმეურნეობის კოლმეურნე, სოფელ ჩქუმში მცხოვრები, სკკპ წევრი პეტრე ვლადიმერის ძე კობალიანი. მას სურდა ცრულად შეერთო სოფელ ალში მცხოვრები მ. ხეცურიანი, რაზედაც იგი არ აყო თანხმად.

ქალმა როგორც დამიწუნაო, განაწყენდა პეტრე და გადაწყვიტა მისი მოტაცება, რაშიც გვერდში ამოუდგნენ ჩქუმელი, ცაგერის აგროსამრეწველო გაერთიანების მძღოლი ტარიელ კაკოს ძე ბენდელიანი, სოფელ ქუტაშაში მცხოვრები, ნასამართლევი არველოდ აბესალომის ძე ბენდელიანი, სოფელ წიფერჩში მცხოვრები ცაგერის №23 სოფსოკო სამმართველოს

მძღოლი თამაზ ნიკოს ძე ყურაშვილი, მათ მოითხოვირეს, რომ მიმდინარე წლის 11 აპრილს ქ. ცაგერის ცენტრალურ მოედანზე დახვედროდნენ ცაგერის ალვის ავტობუსს, რომლითაც სოფლიდან უნდა გამოსულიყო მ. ხეცურიანი და ფიზიკური ძალადობის

კალაღობა რა საკადრისია

გამოყენებული მოეტაცათ.

სიტყვა საქმედ აქციეს. თამაზ ყურაშვილის კუთვნილი ავტომანქანა, რომელსაც თვითონ მართავდა, გააჩერეს ცენტრალურ მოედანზე და როგორც კი ჩამოდა ავტობუსი დღის 15 საათზე, დღისით, მზისით ყველას თვალწინ სტაცეს ხელი მ. ხეცურიანს და ძალის გამოყენებით ჩასვეს ავტომანქანაში. იგი

მიყვანეს ხონის რაიონში პ. კობალიანის ბაბუასთან. შინაგან საქმეთა რაიონული განყოფილების უფროსმა გიორგი ლონისძისძეს შედეგად ქალი დააბრუნეს იქიდან და აღმოაჩინა საბრალდებო საქმე.

ამ დღეებში ცაგერის სახალხო სასამართლომ განიხილა პეტრე კობალიანის, ტარიელ და არველოდ ბენდელიანების, თამაზ ყურაშვილის დანაშაულებრივი საქმე და ცნო რა ისინი დამნაშავედ, პეტრე ვლადიმერის ძე კობალიანს, ტარიელ კაკოს ძე ბენდელიანს და თამაზ ნიკოს ძე ყურაშვილს მიუსაჯა გამასწორებელი სამუშაოები თითო წლის ვადით ხელფასიდან 20 პროცენტის დაქვითვით სახელმწიფო ბიუჯეტის სასარგებლოდ სასჯელის თავის სამუშაო ადგილზე მოხდით. ხოლო არველოდ აბესალომის ძე ბენდელიანს როგორც ნასამართლევს, მიესაჯა თავისუფლების აღკვეთა ერთი წლის და 15 დღის ვადით სასჯელის საერთო რეჟიმის შრომა-გასწორების კოლონიაში მოხდით.

ანაბრების ახალი სახეები

სსრ კავშირის შემნახველმა ბანკმა მოსახლეობას შესთავაზა პირადი დანაშაულების შემნახვის ხელსაყრელი ფორმა. მაისიდან შემოღებულია ორი ახალი სახე ანაბრისა გადადებულპროცენტ-იანი განაკვეთით.

ამის შესახებ გვესაუბრება სსრ კავშირის შემნახველი ბანკის გამგეობის თავმჯდომარის მოადგილე მ. ი. ნანაშაივი:

—ახლებური შემნახვის პირველი სახეა სახელმწიფოებო ანაბარი. მისი არსი იმაში მდგომარეობს, რომ საბანკო დაწესებულებებს ანგარიშზე შეაქვთ არანაკლებ 500 მანეთი ხუთი წლით და უფრო მეტი ხნით. მისი შემნახვის განმავლობაში მენაბრეს წელიწადში ერიცხება ოთხი პროცენტი. რაც შეეხება ანაბრის მეორე სახეს—გაგრეთ წოდებულ „დაგროვებითს“, იგი გათვალისწინებულია მინიმუმ ერთი წლით, პირადი შესაბამისად კლიენტმა ყოველთვიურად უნდა შეიტანოს გარკვეული ფულადი

თანხა, რომელზედაც ერიცხება წლიური შემოსავლის ოთხი პროცენტი.

როგორც ვხედავთ, ბანკის კლიენტისათვის ეს მეტად სახეიროა: ჩვეულებრივი ანაბრის ორი პროცენტის მაგიერ და ვადიანი ანაბრის სამი პროცენტის მაგიერ—ისინი წლიურად ოთხ პროცენტს იღებენ. მაგალითად, სახელმწიფოებო ანაბრის დროს ხუთი წლის შემდეგ ყოველ ათას მანეთზე ერიცხება 216 მანეთი და 56 კაპიკი შემოსავალი.

—მაგრამ თუ მენაბრე ვადაზე აღრე დაარღვევს ხელმწიფოების პირობებს?

ამ შემთხვევაში იგი მიიღებს ანგარიშზე არსებულ თანხას, ამასთან მას დაურიცხავენ ერთ პროცენტს სახელმწიფოებო ანაბრის დროს, და ორ პროცენტს—დაგროვებითი ანაბრის დროს. ასე რომ, კლიენტისათვის უფრო სასარგებლოა თუ შეთანხმებულ ვადებს დაიცავს. (საქდეს).

პლანეტის გამოკვლევი- სათვის

ნიუ-იორკი. ამერიკელმა მეცნიერებმა ჩაატარეს ახალი კოსმოსური რობოტის პროტოტიპის მუშაობის პირველი „სვლის გამოცდა“. ეს მოწყობილობა, რომელზეც 1987 წლიდან მუშაობენ, გათვალისწინებულია სხვა პლანეტების გამოსაყვლევად. მართალია, რობოტს პირველი ნაბიჯები მარსის ზედაპირზე არ გადაუდგამს, არამედ პიტსბურგის კარნეგი-მელონის უნივერსიტეტის ლაბორატორიაში, სადაც იგი დაპროექტეს. აპარატი ალუმინისგან არის დამზადებული, მისი სიმაღლე დაახლოებით 4 მეტრია. თავიანთ შვიჯობილს მეცნიერებმა „ემბლერი“ („იორლა“) დაარქვეს.

რედაქტორი ნ. ნემსაძე.



ლია ვანოს ასულ ტვილდიანს
იუზა ოთარის ძე კვირკაშვილს

გილოცავთ ვაჟიშვილის შეძენას. საქართველოს ნამდვილი მამულიშვილი გაზრდილიყოს. მრავალ პატარას აეხმიანებინოს თქვენი ფუძე-პერი.

გუჯუ მეშველიანი ოჯახით.

ელიზა მიხეილის ასულ კობალიანს

გილოცავთ დაბადების დღეს. ღიმილითა და სიხარულით გაგველოთ თქვენი ცხოვრების გზა. გისურვებთ ბედნიერებას, წარმატებებს მომავალი თაობის აღზრდას საქმეში.

ბარდნაღის საშუალო სკოლის 1990 წლის
კურსდამთავრებულები.

მაია ასათიანს

გილოცავთ დაბადების დღეს. გისურვებთ წარმატებებსა და უღევ სიხარულს.

ტვიშის საექიმო ამბულატორიისა და აფთიაქის თანამშრომლები.

და ქენია, ძმები შოთა, ნოდარი, დისწვილები გურამი, აზა, ჩიტო, ძმისწვილები ომარი, თემური, ბელა, ნატო, რძლები საშა, მერი, სიძეები, დისწვილები, ძმისწვილები ოჯახებით იუწყებიან, რომ გარდაიცვალა თალიკო ვანოს ასული

შეკუბულიანი, დაკრძალა 11 აგვისტოს, შაბათს, ქ. ცაგერში.

გრიშა, მიხა შეკუბულიანები, ალიშა სალინაძე, სულიკო ხვადიანი, ოტელო მდივანი, ნოდარ ხეცურიანი, გელა ბენდელიანი, მიშა ონიანი ოჯახებით იუწყებიან, რომ გარდაიცვალა თალიკო შეკუბულიანი.

ცაგერის ავტოსატრანსპორტო საწარმოს მუშა-მოსამსახურეები იუწყებიან, რომ გარდაიცვალა ბიჭიკო ელიშაბაის ძე კობალიანი

და თანაგრძნობას უცხადებენ განსვენებულის ოჯახს.

ადგილმრეწველობის კომბინატის თანამშრომლები თანაუგრძნობენ სეით ქომეთიანს მამიდის

ნელი ქომეთიანის გარდაცვალების გამო.

№1 საბავშვო ბაღის თანამშრომლები თანაუგრძნობენ რუსიკო კობალიანს მამის

ბიჭიკო ელიშაბაის ძე კობალიანის გარდაცვალების გამო.

ცაგერის საშუალო სკოლის 1973 წლის კურსდამთავრებულები თანაუგრძნობენ რუსუდან კობალიანს მამის

ბიჭიკო კობალიანის გარდაცვალების გამო.

წმინდა ილია მართლის ლეჩხუმის საზოგადოება თანაუგრძნობს ნუნუ ახვლედიანს მამიდის

თამარ ახვლედიანის გარდაცვალების გამო.

ტვიშის საექიმო ამბულატორიის თანამშრომლები თანაუგრძნობენ მანანა ბანძელაძეს მამიდის

ლენა პლატონის ასულ ბანძელაძის გარდაცვალების გამო.

ჩვენ მიხმამართი: 884100 ცაგერი, ლენინის ქ. №56. ტელეფონები: რედაქტორის—22-81, რედაქტორის მოადგილის — 22-35, პასუხისმგებელი მდივნის—22-84, განყოფილებების: სოფლის მეურნეობის—22-36, მშრომელთა წერილების—22-41, საკორექტოროს—22-48, სტამბის დირექტორის —22-17, სამწყობრო სამსახროს—22-28, გაზეთი გამოდის სამშაბათს, ხუთშაბათს, შაბათს, 08:30-დან 09:00-მდე, შეკვეთა 97 ტირაჟი 3000

საქართველოს სსრ ბეჭდვითი სისტემის სახელმწიფო კომიტეტის ქუთაისის პოლიგრაფიული გაერთიანების ცაგერის ბტაში.